

rectiuscula plus minus breviter in rostrum attenuata pappo uniseriale e paleis 5 persistentibus longè attenuato-subulatis scabris plumosisque constanti plumis longissimis deciduis. — Herbæ orientales annuæ facie *Picrides* annuas referentes.

Hoc genus *Picridi* e grege *Spitzeliæ* vel *Medicusicæ* affine ab eis egregiè differt pappo non annulatim deciduo multiserialique sed persistenti 5 paleaceo longè plumoso plumis deciduis, involucri phyllis deciduis; a *Thrinciâ* et *Kalbfussiâ* pappo uniseriale etc. longiùs distat. *Deloderium* Cass. acheniis muricatis, setis pappi basi in paleam dilatatis plumis deciduis affine differt receptaculo subpaleaceo, formâ et naturâ phyllorum involucri, acheniis conformibus.

HAGIOSERIS GALILÆA. Boiss.

H. caule erecto basi rubello jam infernè dichotomè ramosissimo ramisque setis brevibus basi incrassatis sparsis asperis cæterùm glabris, foliis margine et utrinquè ad nervos parcè et breviter setulosis oblongo-lanceolatis subintegris inferioribus basi attenuatis superioribus oblongis sessilibus basi amplexicaulibus rotundato-auriculatis, pedunculis capitulo pluries longioribus demùm fistuloso-subincrassatis sub capitulo squamulis 1-2 lineari-setaceis auctis, involucri phyllis exterioribus lineari-subulatis patulis setulosis dimidiò brevioribus, eis seriei interioris dorso carinatis undiquè extùs setis aculeiformibus glochidiatis albis strigosis acumine subulato ciliato parti cymbiformi æquilongo terminatis, acheniis interioribus apice vix in collum attenuatis.

Hab. in herbidis *Galilææ*. (Boiss.)

Habitus et magnitudo capitulorum *Picridis Sprengerianæ*. Ligulæ subtùs rubellæ involucrio subduplò longiores.

HAGIOSERIS AMALECITANA Boiss.

H. tota pilis albis tenuibus apice sæpè breviter glochidiatis setulosa, foliis radicalibus rosulatis lanceolatis repando-dentatis, caulibus plurimis brevibus a basi dichotomè ramosis decumbentibus, foliis caulinis a basi amplexicauli auriculatâ angustè lanceolato-linearibus acutis integris, pedunculis capitulo pluries longioribus supernè squamulis lineari-setaceis pluribus obsitis, involucri phyllis exterioribus angustè setaceis setulosis triplò brevioribus, eis seriei interioris rotundato-carinatis glochidiato-setulosis acumine a basi lanceolatâ subulato parte